



Ffioedd y Tribiwnlys Apeliadau Cyflogaeth

O 29 Gorffennaf 2013 ymlaen

Gwybodaeth bwysig

Mae'r daflen hon yn amlinellu'r ffioedd ar gyfer apelio i'r Tribiwnlys Apeliadau Cyflogaeth.

Mae'r ffioedd a amlinellir yn y daflen hon yn berthnasol i apeliadau a gawn ar neu ar ôl 29 Gorffennaf 2013. Nid yw'r ffioedd yn berthnasol i apeliadau a gawn cyn y dyddiad hwn.

Am wybodaeth am y ffioedd y bydd yn rhaid i chi eu talu fel hawlydd yn y tribiwnlysoedd cyflogaeth, gweler y taflenni **T435 Ffioedd tribiwnlys cyflogaeth ar gyfer unigolion** neu **T436 Ffioedd tribiwnlys cyflogaeth ar gyfer grwpiau a mwy nag un hawliad** sydd ar gael yn <http://hmctsformfinder.justice.gov.uk>

Ffioedd y Tribiwnlys Apeliadau Cyflogaeth (EAT)

Mae'r daflen hon yn egluro wrthyich ba ffioedd a godir a sut a pha bryd y bydd yn rhaid i chi eu talu.

Os ydych chi'n credu na allwch fforddio talu'r ffi, darllenwch ein taflen EX160A, sy'n egluro sut i wneud cais i ostwng neu ddiddymu'r ffi (sef 'dileu ffi').

Oni bai eich bod yn gymwys i gael dileu ffi, os byddwch yn apelio i'r Tribiwnlys Apeliadau Cyflogaeth yn erbyn penderfyniad tribiwnlys cyflogaeth, rhaid i chi dalu ffi gwneud cais. Os bydd angen gwrandawriad llawn i benderfynu ar yr apêl, bydd yn rhaid i chi dalu ffi gwrandawriad hefyd.

Yn wahanol i'r tribiwnlysoedd cyflogaeth, mae'r ffi a godir am apelio'r un faint beth bynnag yw natur yr hawliad neu'r apêl.

Am fanylion llawn ar sut i apelio i'r Tribiwnlys Apeliadau Cyflogaeth, gweler ein taflen ar wahân T440 'I want to appeal to the Employment Appeal Tribunal' neu'r canllaw ar ein gwefan yn www.justice.gov.uk/tribunals/employment-appeals

Adran 1 – Ffioedd y mae'n rhaid eu talu pan fyddwch yn apelio i'r Tribiwnlys Apeliadau Cyflogaeth

Cam 1 – Pa fath o apêl neu gais sydd gen i mewn golwg?

Gallwch apelio yn erbyn unrhyw benderfyniad ysgrifenedig a wnaethpwyd gan dribiwnlys cyflogaeth (gan gynnwys unrhyw ddyfarniad neu orchymyn), ond bydd yn rhaid talu ffi.

Cam 2 – Sawl penderfyniad ydych chi'n apelio yn eu herbyn?

Gallwch apelio yn erbyn unrhyw benderfyniad a wnaethpwyd gan dribiwnlys cyflogaeth, ond rhaid i chi roi hysbysiad ar wahân i'r Tribiwnlys Apeliadau Cyflogaeth am bob penderfyniad yr ydych am apelio'n ei erbyn, a thalu ffi gwneud cais ar wahân ar gyfer pob penderfyniad.

Gall y tribiwnlys cyflogaeth gynnwys penderfyniadau ar deilyngdod yr hawliad ac ar lefel y dyfarndal yn yr un dyfarniad ysgrifenedig. Os digwydd hynny, dim ond un ffi gwneud cais fydd yn daladwy.

Neu, yn benodol, pe ceid gwrandawiadau ar wahân i benderfynu ar deilyngdod yr hawliad a lefel y dyfarndal, gallech gael dau ddyfarniad ar wahân. Gallwch ddewis apelio yn erbyn un o'r dyfarniadau hyn, neu'r ddau, yn ddibynnol ar ba benderfyniad neu benderfyniadau rydych yn anghytuno â hwy. Os byddwch yn dewis apelio yn erbyn y ddau ddyfarniad, bydd yn rhaid i chi dalu dwy ffi gwneud cais.

Nid yw'n gwneud gwahaniaeth faint o bobl y mae eich dyfarniad ysgrifenedig yn ymdrin â hwy. Os ydych chi'n cyflwyno apêl ar gyfer dau neu fwy o bobl sydd i gyd wedi'u henwi yn yr un dyfarniad, dim ond un ffi gwneud cais fydd angen ei thalu.

Cam 3 – Faint fydd yn rhaid i mi dalu?

Mae'r ffi gwneud cais am apelio i'r Tribiwnlys Apeliadau Cyflogaeth yn **£400**.

Bydd y ffi hon yn talu am gynydd eich apêl hyd at, ond heb gynnwys, y gwrandawriad llawn. Os bydd angen gwrandawriad ar eich apêl cyn gwrandawriad llawn (gwrandawriad rhagarweiniol, er enghraifft), ni fydd yn rhaid i chi dalu ffi ar wahân ar yr adeg honno.

Os ydych chi'n credu na allwch chi fforddio'r ffi ac yr hoffech wneud cais i ddileu ffi, darllenwch ein canllaw EX160A, sydd ar gael yn <http://hmctsformfinder.justice.gov.uk>

Cam 4 – Pa bryd fydd yn rhaid i mi dalu'r ffi gwneud cais?

Yn wahanol i hawliadau i'r tribiwnlys cyflogaeth, ni ddylech anfon y ffi gyda'ch ffurflen apelio.

Ar ôl cael eich hysbysiad o apêl, bydd y Tribiwnlys Apeliadau Cyflogaeth yn ysgrifennu atoch i ddweud wrthyh faint fydd yn rhaid i chi ei dalu, erbyn pa bryd y mae angen talu, a sut i dalu.

Os na fyddwch yn talu'r ffi gwneud cais pan fydd yn ddyledus, bydd oedi cyn eich apêl a gall gael ei gwrthod.

Cam 5 – Sut mae talu'r ffi gwneud cais?

Gallwch dalu ar-lein â cherdyn credyd neu ddebyd, neu gallwch anfon siec drwy'r post i'n canolfan daliadau. **Peidiwch** ag anfon eich taliad i swyddfa'r Tribiwnlys Apeliadau Cyflogaeth.

Peidiwch ag anfon arian parod gan na all y ganolfan daliadau na swyddfa'r Tribiwnlys Apeliadau Cyflogaeth gymryd arian parod fel taliadau. Ni allwn warantu y bydd yn cyrraedd yn ddiogel, nac y byddwn yn gallu ei ddychwelyd atoch yn ddiogel.

Os byddwch yn cael trafferth talu ar-lein neu gyda siec, cysylltwch â Llinell Ymholiadau Cyhoeddus y Tribiwnlys Cyflogaeth, Cymru a Lloegr 0300 123 1024 neu yr Alban 0141 354 8574 am gyngor.

Cam 6 – Ffi'r gwrandawriad

Mae'r ffi a godir am wrandawriad llawn yn y Tribiwnlys Apeliadau Cyflogaeth yn **£1,200**.

Os bydd barnwr yn gorchymyn y dylai'ch apêl gael ei rhestru ar gyfer gwrandawriad llawn, bydd y Tribiwnlys Apeliadau Cyflogaeth yn dweud wrthyh faint fydd yn rhaid i chi dalu a pha bryd i'w dalu. Dylech dalu ffi gwrandawriad yn yr un ffordd â ffi gwneud cais, a gallwch wneud cais i ddileu ffi yn yr un ffordd.

Os na fyddwch yn talu ffi'r gwrandawriad pan fydd yn ddyledus, bydd oedi cyn eich apêl a gall gael ei gwrthod.

Adran 2 – Cwestiynau cyffredin

A allaf i gael fy ffioedd yn ôl gan yr atebydd (yr ochr arall) os byddaf yn ennill?

Dan rai amgylchiadau, gallwch. Os byddwch yn ennill, mae gan y Tribiwnlys Apeliadau Cyflogaeth y pŵer i orchymyn atebydd i dalu unrhyw ffioedd a dalwyd gennych chi. Dylech ofyn i'r tribiwnlys wneud hynny yn y gwrandawriad. Nid oes gan y tribiwnlys y pŵer i orchymyn yr atebydd i dalu eich ffioedd os byddwch yn colli.

Beth fydd yn digwydd os byddaf yn setlo â'r atebydd?

Os byddwch yn setlo â'r atebydd, rhaid i chi eich hunain benderfynu ar y telerau, ac ni fydd y Tribiwnlys Apeliadau Cyflogaeth yn chwarae dim rhan yn hynny. Os byddwch yn setlo â'r atebydd, **ni fydd** y Tribiwnlys Apeliadau Cyflogaeth yn ad-dalu unrhyw ffioedd, felly dylech drafod y ffioedd a dalwyd gennych fel rhan o'r cytundeb a wneir rhyngoch.

Beth fydd yn digwydd os byddaf yn tynnu fy apêl yn ôl?

Os byddwch yn tynnu eich apêl yn ôl, **ni fydd** y Tribiwnlys Apeliadau Cyflogaeth yn ad-dalu unrhyw ffioedd a dalwyd gennych.

Beth fydd yn digwydd os yw'r apêl yn cael ei ychwanegu at eraill ar gyfer gwrandawriad?

Os oes gennych sawl apêl a fydd yn cael eu gwrandao gyda'i gilydd, mae'n bosibl mai dim ond un ffi gwrandawriad y bydd yn rhaid i chi ei thalu am yr holl apeliadau. Bydd y Tribiwnlys Apeliadau Cyflogaeth yn rhoi gwybod i chi os dyna fydd yn digwydd.

Os byddaf yn talu ffi gwneud cais, a allaf i wneud cais i ddileu'r ffi gwrandawriad?

Gallwch. Bob tro y bydd ffi'n daladwy, dylech ystyried a allwch ei fforddio ynteu a ddylech wneud cais i ddileu ffi, yn ddibynnol ar eich amgylchiadau ariannol ar y pryd.

Os caf ddileu'r ffi gwneud cais, a fydd yn rhaid i mi wneud cais eto i ddileu'r ffi gwrandawriad?

Bydd, bob tro y mae ffi'n daladwy bydd yn rhaid i chi wneud cais newydd i ddileu ffi, a rhoi tystiolaeth gyfredol.

Beth fydd yn digwydd os na fyddaf yn talu'r ffi gwneud cais neu'r ffi gwrandawriad?

Os na fyddwch yn talu ffi erbyn y dyddiad a roddir i chi gan y Tribiwnlys Apeliadau Cyflogaeth, bydd hyn yn arwain at oedi cyn gwrandao eich apêl a gall arwain at ei gwrthod.

Rwyf yn atebydd ac rwyf eisiau traws apelio (apelio yn erbyn yr un dyfarniad yn ateb fy atebydd). A oes yn rhaid i mi dalu ffi?

Nac oes, ni fydd yn rhaid i chi dalu ffi gwneud cais na ffi gwrandawriad.